



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU HRVATSKE KRŠĆANSKE DEMOKRATSKE UNIJE BiH

Broj: 03-07-6- 3405/08  
Sarajevo, 25.03. 2009. godine

## SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
3.1. Predmet revizije.....	5
3.2. Cilj revizije.....	5
3.3. Obim revizije.....	5
4. PRETHODNE KONTROLE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja Hrvatske kršćanske demokratske unije BiH za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Prema našem mišljenju, revidirani finansijski izvještaj ukazuje da je Hrvatska kršćanska demokratska unija BiH u 2007. godini postupala u skladu sa odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskih izvještaja Hrvatske kršćanske demokratske unije BiH za 2007. godinu.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska kršćanska demokratska unija BiH je iskazala prihode u iznosu od 65.949,26 KM<sup>1</sup>, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	65.922,11	99,96%
	<b>Ukupni prihodi:</b>	65.949,26	100,00%

U godišnjem finansijskom izvještaju Hrvatska kršćanska demokratska unija BiH je iskazala ukupne rashode u iznosu 102.166,37 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska Kršćanska Demokratska Unija BiH. Skraćeni naziv stranke je HKDU BiH.

Politička stranka je registrovana kod Kantonalnog suda u Livnu 28.06.2005. godine, registarski broj: R -20/2001. pod nazivom HKDU.

Stranka je promjenila naziv u HKDU BiH kao i sjedište stranke 02.02.2006. godine, i registraciju izvršila kod Kantonalnog suda u Mostaru pod brojem : R-107/05.

Sjedište političke stranke je u Mostaru , Ulica Ante Starčevića br. 36.

<sup>1</sup> Na obrascu 3. Ukupan prihod stranke nije unesen podatak na rednom broju 4. Prihodi od imovine a odnosi se na ostvarene prihode od kamata u iznosu od 27,15 KM.Kamate su iskazane na analitičkoj kartici konta 4181 Glavne knjige.

Za zastupanje stranke i podnošenje finansijskih izvještaja za 2007. godinu ovlašten je Ivan Musa, predsjednik.

Organizacionu strukturu stranke HKDU BiH čine:

- Središnji ured
- 2 Kantonalna odbora i
- 10 općinskih odbora.

### **3. OPIS REVIZIJE**

**Predmet revizije je** godišnji finansijski izvještaj HKDU BiH za 2007. godinu, i to sljedećih organizacionih djelova:

- Središnji ured Mostar,
- Općinski odbor Mostar i
- Općinski odbor Livno.

**Cilj revizije je** da se prikupi dovoljno relevantnih dokaza kako bi se moglo izraziti mišljenje o tome da li je HKDU BiH u izvještajnom periodu postupala u skladu sa odredbama Zakona o finansiranju političkih stranaka.

**Obim revizije** finansijskog izvještaja HKDU BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i način trošenja sredstava, sa posebnim naglaskom na prihode iz budžeta.

### **4. PRETHODNE KONTROLE I REVIZIJE**

Izvršen je pregled godišnjeg finansijskog izvještaja HKDU za 2005.godinu i izdat izvještaj o pregledu sa mišljenjem da je stranka postupala suprotno odredbama člana 11. stav 3. Zakona o finansiranju političkih stranaka.

Služba za reviziju je obavila pregled godišnjeg finansijskog izvještaja HKDU BiH za 2006. godinu i izdala izvještaj o pregledu sa mišljenjem da je stranka postupala u skladu sa Zakonom o finansiranju političkih stranaka.

#### **Realizovane preporuke:**

HKDU BiH je ispoštovala preporuke revizije date u izvještajima o pregledu koji se odnose na odredbe člana 11.stav 3.. Zakona o finansiranju političkih stranaka.

### **5. NALAZI REVIZIJE I PREPORUKE**

#### **5.1. NALAZI**

**Revizijom godišnjeg finansijskog izvještaja za 2007. godinu nisu utvrđena kršenja Zakona o finansiranju političkih stranaka, osim što stranka obaveze za kamate u iznosu od 18.242,66 KM nije pripojila obavezama po osnovu zajma.<sup>2</sup>**

---

<sup>2</sup> U finansijskom izvještaju stranka je obaveze za kamate iskazala kao obaveze prema dobavljačima.

## **5.2. PREPORUKE**

**Preporučuje se Hrvatskoj kršćanskoj demokratskoj uniji Bosne i Hercegovine da svoje obaveze u finansijskim izvještajima koje dostavlja CiK BiH treba iskazivati u skladu sa važećom zakonskom regulativom.**

## **KOMENTAR**

U ostavljenom roku Hrvatska kršćanska demokratska unija BiH se nije očitovala na Preliminarni izvještaj o reviziji godišnjeg finansijskog izvještaja za 2007. godinu.

Zahvaljujemo se ovlaštenoj osobi za podnošenje finansijskih izvještaja Hrvatske kršćanske demokratske unije BiH na dobroj i korektnoj saradnji tokom obavljanja revizije finansijskog izvještaja.

Mr. Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora